


錢穀備要



		九	漢書門
		三	
		〇	
	四	類	
	架		
	冊		

函文圖書

九

內閣文庫		
番號	漢	9230
冊數	12	( 6 )
函號	296	113



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



錢穀備要卷二



武林王又槐蔭庭編輯

廣陵羅允綏務樵  
同弟 又梧鳳偕 叅訂

吳興後學陸天墀階平校字

目錄



核查正項錢糧

核查雜款錢糧

清理漕南米款

淺草文庫

錢穀備要 卷二 目錄



金嘉何夏二卷二

清理常平鹽義等穀

清理社藉穀石

清查各租

錢穀備要卷二

廣陵羅允綏荔樵

叅訂

武林王又槐陰庭編輯

同弟 又梧鳳偕

吳興後學陸天墀階平校字

核查正項錢糧

一查舊管夫舊管者即每年應徵之額數當查新刊賦役全書及歷年科則查盤奏銷各冊并查明節年有無陞科坍荒各數如遇災蠲之年應

錢穀備要

卷二 核查正項錢糧

一

查蠲免欵冊恐州縣所造蠲數不確必以司頒蠲冊爲準如無頒發應卽開造蠲數申請藩司核示

舊任經徵之年以額徵爲舊管者照前查核外其有接徵原前任交存之年以原前任交冊之實在存庫未完爲舊管者當取原前任交冊查對原前任交代恐有未清之項當就原交冊查閱設有動欸不清牽扯可疑者再行弔查原案如認

真無悞方可駁查不然卽被書役之欺矣此係發箱之初最宜詳慎

查冊內田地山蕩畝數及人丁匠班雜辦并外加銀米各每畝科則若干備載全書須與此核對倘有舛錯顯然畢露矣

江浙兩省正雜地漕銀米欵項繁多兼之歷年欠糧不清更屬冗雜但交代冊籍到手切不可荒忙先細心一看視其各欵收支解放有無舛混

如有即用浮簽粘出次將收放總撒核其已未完數一欸核清再核一欸再次以欸核項以項核總如果總撒相符方將前列之四柱舊管額徵徵收解放存庫存倉未完銀米核實然後查對批領方無舛混

查新收夫新收者卽舊任徵完之銀米當以日報總報等簿內截止銀米之數爲準

查徵收務須弔齊日收總簿紅簿流水各簿查明何日徵起於何日止方無舛誤若係接徵年分亦可挨次弔查至前官遇有荒歉將徵過銀糧流抵者須查該年民欠曾否扣清有無遇

赦不可草率

凡遇災歉之年須查災戶應完錢糧有無溢完如有溢完之項未經流交者當核舊任是年實徵花戶細冊逐一劃抵清楚溢完之數少而有民欠可徵補項者應毋庸議如無本欸交存又無

民欠可徵無從劃抵當着舊任賠補溢完之花戶具領以免日後有重徵之咎

舊任徵過錢糧實徵花戶冊內未經銷欠者應令經承夾照呈送前任核銷以免藉滋弊混并杜重徵

納戶年分區畝錯訛或姓名互異以致徵簿無從銷欠者名曰宕完此等宕串銀兩應令經承備造一冊同照送署核明以便陸續改歸惟錯完

年分者難以遽改應令自覓同查應完之戶稟抵

查開除夫開除者卽舊任解給錢糧凡起解之項以批廻爲據支放之項以領狀爲憑倘起解不久未掣批廻者庫收亦可備查如漕糧須核通關行月須核支單撥協賑糧須核印收倘於支放盤查奏銷案內解存司府應卽具詳請發解給批領雖全恐有溢解透冒不清之處當將每

年額編解支細欸逐一核查完欠若

恩蠲災蠲之年往往蠲數錯訛或解支在先奉蠲在後致有透溢尤宜逐欸詳查

歲編解給錢糧如有兩三任經手動放者應將兩

三任交代冊逐欸駢算則有無透溢立明

起解司道各庫錢糧如因蠲數錯訛致有透溢者

應先向原解各衙門請發倘已報部或撥解無存又無可劃抵者應着舊任賠補如起解在先

奉蠲在後透解有因者應詳明司府請示

查起解解有批迴而批迴之中均有分別如藩字

布字盈廣字糧字儲字驛字鹽字徑字號批及

徑解各衙門之花批則不待言矣若雜項小欸

如用府州縣批者從前俱係點發極要小心恐

有上下串通作弊須列欸詳查請示邇年以來

立法嚴密俱有印發迴照可查倘無知照即應

分別詳核俾免後來無着

查支放放有領紙而領紙亦有分別官領役領但近來徑赴司領回散給應查上行知照核對領狀庶無舛混

河工荒缺災蠲銀兩俱准地丁項下徑行撥補不妨照額先為起解惟隨徵解費水脚給解役支銷之項仍應扣除荒災如有透給應扣追

江蘇河工銀兩改解藩司撥解惟浙江河工銀兩州縣赴藩司請批徑解河庫道

領給廩糧應查扣空缺銀兩如雜職空缺并扣馬

夫工食倘有溢支均須扣還

俸工役食銀兩新例先將存留解司然後按季赴司領回散給如僅透支一二季者尚可通融申請倘有借支一二年者無論難以申請又當慮及後來辦公無出勢必頻年借領何所底止應照例辦

前任於正月閒離任本年錢糧尙未啟徵而春季



役食驛站等項乃係計口授食之需先於去冬墊放者居多此實通省積習惟應開徵之日首先代為徵補仍先彙冊詳明

江南郵孤米石

即浙江孤貧口糧

必於冬月啟徵所有春

夏秋三季口糧或將上年徵存之欸遞年支放

或暫動常平倉米借給者亦屬通融辦理交代

案內應行接受俟開徵歸欸

浙省均於季中散給

查實在夫實在者即存庫之現銀未完之民欠也

存庫現銀易查未完民欠最難清理惟宜從權

酌辦以副交代例限以期有戶可徵應辦二端

附例在後

各年花戶完欠皆在實徵簿內必須逐一清查俟

清出一年欠數除去溢完宕完以見實在民欠

再與交冊所開未完之數核對相符方謂無缺

如年分繁多一時趕辦不及亦必須先清一二

年以杜朦混之弊

一各花戶未完必須啟徵雖侵蝕包攬等弊未能  
畢露然有戶而徵猶不至於無着恐年分繁多  
不克全行啟徵當先着令經承里書按年確查  
造具民欠花名清冊一本如有侵蝕限一月內  
首認無則出具甘結備案一面先接徵三四月  
以觀其槩乾隆二年蘇撫邵題准  
安徽蘆課係壓徵之欸如甲年正課乙年徵收丙  
年奏銷有損脚又有省佃因洲坐落本縣洲戶

住居省城當日詳明各憲批飭就近在藩司衙  
門完納查有藩司庫收知照即算已完

沿江州縣皆有蘆葦水勢流注無常查核每年各  
額課銀有無未完逐年分晰造冊并稽新坍新  
漲庶無隱匿之弊

民欠地漕急欲起解以副

奏限或暫將別項錢糧那解適奉

赦免則此項民欠無從徵收應移前官賠補

錢糧已經徵完冊內仍開民欠者須將拆封入庫并實徵紅簿磨對

水旱災荒雖已題報未准部覆准其蠲免者如前

官藉口蠲免遲延不徵應弔查部覆原案果否

蠲免如無原案速詳上司着令前官徵解

積歉州縣每有歷任遞那遞墊之項當逐款清出

歸補如尚須等待部覆或應俟起徵歸補者詳

請查案歸補

荒地逃亡人丁雖已題請豁免未奉部准亦難遽

行豁除應前官補還以免考成之累

地方猝被水災災黎急須救渡搭蓋篷廠安頓棲

止撫卹口糧此係迫不及待之事往往有一面

具詳一面借動庫項撫綏接收交代時若遇此

等抵欸須查明是否詳稟各憲批准報銷有案

倘不准報銷即屬無着之項應關移舊任還欸

又有因災聞賑歸來及查災公費不敷借動庫

銀查明報銷數目相符准其抵交

但聞賑歸來一項往往捏

肩居多近年已不准續報雖經造冊未奉准銷不便作抵

辦理軍需或因差務緊急借動庫項墊給報銷時

不能如數領回歸欵前任將此墊項列入抵欵

移交者接收之員須詳明上司應否作抵聽候

批示

降罰住俸應照定例將編俸計算如降罰住俸數

少歷過編俸數多者即於編俸內扣其應解之

數餘銀找給如有降罰住俸數多編俸數少除

將歷過編俸全行扣抵外其餘未完之俸或應

追繳或應帶於新任完解或應於補官日扣解

照例辦理向不列叅虧空

駁查交冊先宜查對確實核算清楚方可駁查否

則欺朦之弊牢不可破

查存庫務將各年按欵查清另開一冊然後逐欵

挨查如有存庫應解之項原可兌收代解但火

工解費添平必須扣收明白并取經承銀匠承解甘結至庫兌收卽有典守之責應撥役同庫子經承巡邏防範至一切正項錢糧如奉就近撥給其水脚解費無須支用自應查扣解司充餉

查未完銀米須將各畜之額徵完欠分爲三則以戶核甲總以甲核畜總以畜核州縣全總方無遺漏按年查算果與盤冊民欠相符再將款欠核對不可厭煩圖省致有賠累若欲就簡自應臨時斟酌至民欠應取里民甘結經承保結款欠取經承甘結同役互結至新舊錢糧須弔齊實徵冊就緊要者先行啟徵新糧須用滾單舊欠酌分次第設法勸諭如有前任經徵尙未截銷完號應移令銷清盤算是否與交冊民欠相符

查挪移凡錢糧銀米例應正支正解不許挪移別

用若甲年銀米而挪解乙年或乙年挪支甲年者雖有民欠可抵槩不接收雖昔年蘇松常鎮各屬有動支地丁買墊漕米曾有准作民欠代徵抵補之例今則不行矣若錢糧挪解必俟題叅之後方分有抵無抵如查有民欠卽屬有抵應另案歸結並非竟作民欠抵也今奉禁止仍在原挪官名下追賠不追民欠抵補倘地方有緊要公事或奉文動用或詳明批准確有案據而數少者方可接受仍須詳明立案歸結或徑詳領抵倘係別項事故爲數多者應據實列詳此在臨時酌行之如州縣歲有災稔錢糧不能正支正解每年挪墊須查明前任如有詳案亦可代爲詳請領抵

洗補挪移官吏侵漁之弊查錢糧以批領爲憑批領以銀數爲據倘有官吏乘交代之際將批廻領狀銀數之上以百洗補作千以零洗補作整

朦混交收賠累非淺要識其奸有水洗狗牙洗  
雀糞洗水補撥補刮補水膏藥硃上蓋墨之類  
俱可亂真磨勘之法止須向日一照已見其痕  
如照之不見宜用生礬水以筆蘸之立見真形  
矣種種不歸正收正解者皆爲擅挪然有挪移  
必有虧空新官收受均宜詳慎并看年月恐有  
以別年批領朦混務查各清各款不令正雜混  
淆當逐項駁之關催補償如節次關催不靈亟

宜開款詳報毋得猶豫自貽其累

查接徵原叅未完分數凡到任務查各年應解各

款銀米初限

奏銷係何分數如前任亦係接徵者查明原叅幾分  
再前任接徵後已完過若干曾否續詳減扣考  
成分數有無部文知照在本任應以到任日起  
限必須查明以後接徵分別年限

奏銷分數方免貽悞

核查雜款錢糧

一江省正印養廉如有鹽規州縣應遵前蘇撫院  
陳 摺奏儘抵該牧令名下養廉按數備具批  
領送司核作收放除抵收鹽規外尙有應支及  
無鹽規州縣仍在屬庫耗羨徑支按年備造額  
支離接日期冊送司查核至浙省署正印官按  
照在任月日分支佐雜養廉應按季彙具印領  
赴司於鹽規內動給浙省於耗羨內動給今奉



新例自五十二年為始將耗銀盡行解司然後按數請領

正署養廉有全支半支之別當照養廉成例扣明

一起止月日計算倘有溢支令經手之員清交還

欸不許另結如借支養廉修理衙署及奉文按年攤捐之欸亦應於養廉內分別

全支全扣半支半扣不支不扣

養廉勻閏不扣小建閩省兼驛之縣除按月派支

外移交當月餘銀不扣小建不必斤斤計較且

有當月聽前任承值差務不交餘銀止交勻捐

銀兩者毋庸拘泥如有新官未到任日期及署

事支半餘剩謂之扣曠應行查明除扣解司

江蘇舊欠鹽規係應抵給九年以前佐雜養廉之

用各屬有詳准分年帶完之案須查已完之銀

是否解司果否與應繳年分相符未完之項查

實接催又十年以後鹽規應抵正印養廉不准

以商欠未收藉詞抵算如有牽混開銷應清理

着追

查額外交代凡錢糧銀米雖有正雜之分然凡有額編之項皆曰正欸其額外銀米者佃租社米藉穀江省之扣米八合八勺餘米并脩塘濬河錢文及不給帮丁之漕費錢文雖云額外亦有額收支存可考所慮如建廟造閘開河築塘發賑囚糧之類有赴別衙門領用者或核減駁追或不准開銷而追賠或部駁賠補或本省上司允准而尚未奉有部示或顧考成申報已賠者卸任時上司並不催倘經承匿卷朦蔽新任出結後或前任已回原籍或前任接收時查察未周而誤受者設有疎忽例應最後出結官賠補

查附貯倉庫銀米穀價及承追案內駐罰貨物器械衣飾并奉文發貯採辦產物營汛寄存帑本鹽價及官房變價官房租銀等項必須弔齊各

任庫簿原卷逐一清查如已解給清楚必有知照批領爲憑不可怠忽致被經胥私侵抵換有于賠累

止項錢糧之外或有士民捐輸或鄰封移解或辦公羨餘等欸向不造冊移交務諭各經承逐細檢案具稟取具日後查出甘賠結狀備案

贓罰有外省咨回有奉部飭追估變變而未解者有題咨案內應追入官充餉之贓有詳奉追解司道充公之贓有貯庫給主之贓有存庫斷贖田房銀兩物件及繳存罰贖銀兩均須核對案由并弔歷任庫簿點查至於細軟珠飾金器尤當查照原估逐細檢點庶免抵換短少之弊蘇省解司道地漕銀兩每千兩例有隨正飯食銀二兩四錢轅門各役銀四錢應查前任有無交存在庫按照正銀核明接收

一江省京塘報資按照在任月日於養廉內勻攤

捐解交代時如有少捐須移明歸補浙省司庫

以備公項下分別扣收乾隆八年江藩彭詳定着落現任之員於季

首批解凡各屬解到正項錢糧扣除將批扣存

候補到方將批廻印發前任歷欠報資着落後

任入於交代雜項項下扣追如前官透解報資

亦即於交代雜項扣抵如前官去任無着惟接

受交代官着賠至知府報資亦

於季首解司未解者亦照前扣

查稅課即漁牛馬驢騾名色甚多契當牙鈔賈商

等稅凡此雜項皆載全書每項應徵之數必照

原額各款核批或解或欠均須細查

抵欸各省交代在所不免若不徹底根查明白即

干賠累

查入官房屋應弔當年奉文原估間數價值卷冊

并變價租息解放收存欠數與交盤冊查對未

變價值是否數足未完銀米有無着落其田地

查照坵段按畝挨查踏勘有無荒蕪有則查其

從前如何勘估詳報無則查明佃戶原認租契

及額租完欠復取該佃認結及親鄰保庄甲長



等保結至現在租住房屋應查明租票間數門  
窗等類并租銀完欠再取親隣人等保結親詣  
勘明如係空閒看其墻垣板壁果否完好及一  
切裝修各項須照原估印冊價值倘變價不敷  
前任已經詳明有案應照成例辦理若舊冊未  
經詳報或租額不足或房屋修理未經除租抵  
修等項急需查明請示不可因循干累  
各州縣設立育嬰堂其經費或紳衿董理或有租

息現存乳媪乳孩稽其出入一定章程若無弊  
竇即可接收倘係書役經管者必須查明捐存  
銀數如何生息是否無虧節年動支有無虛冒  
細查卷案接收

一捕蝗夫工查災辦賑盤費紙張等項雖應通案  
報銷但各項銀米悉有應給成例接任之員只  
須核其所用款項數目與例相符詳明立案倘  
有浮濫卽移追歸補或動款舛錯卽行詳明歸

正俱限內清查毋許混請另結乾隆十二年蘇藩司詳允

一佐雜官俸荒缺在於通省大員正印俸內攤補

如無降罰應照額編支給災蠲例不撥補如有

溢支應移行扣追倘已事故離任無可追繳者

應着舊任賠補

清理漕南米欸

漕糧例應冬徵冬兌設前任未經徵足離任數目

難稽卽令載數責成前官自行運次兌給丁船

其接徵之米另倉收貯冬兌毋悞開期切勿與

前任并駁牽混其漕費錢文亦按米石結算如係

經承包收包兌者悉照各處成規辦理

白糧例於漕倉揀擇好米春確設前任辦理未竣

或截數另辦或聽一手經理臨時酌行

一江南不給帮丁之南鳳局恤行月等項費脚錢  
文分別留支起解○如南鳳項下者抵支撥解  
兵糧水陸運費若坐支本地營分無需運脚者  
提解司庫撥補別邑遠運漕河標兵糧不敷水  
脚及經管兵糧司書飯食等用○局米項下者  
卽抵解運局糧之用此項交收費重大概有貼  
無餘局糧者卽浙省匠糧米石也○卹米項下  
者抵支額外孤貧之用如無收養修理孤貧房

屋湊用二者俱無需用解司充公卹米者卽浙  
省孤鐸米石也○行月項下者撥解司庫京口  
將軍二衙門皂隸工食漕院水次壓費座船墊  
給不敷工食上貼欵式道庫江淮三六兩帮不  
敷二銀監兌廳漕書紙張飯食監犯棉衣米飯  
藥餌等項之用再撫院繕書工食糧道奏銷紙  
張吹手工食各縣用欵名目有無不一銀數多  
寡不等應查從前詳准案據及歷年開銷詳冊

照辦如有自行擅動應解無存溢支透解均應移查前任清出歸欸○局糧一項蘇撫奏准於三十年爲始俱於長元吳等三縣解交運局其各州縣俱改爲起運浙省以杭嘉湖等府屬額徵南米項下派撥卽名匠糧以爲織造衙門工匠飯米之用

一應解漕費脚錢江蘇以八折易銀於次年二月底截數造冊解司如有續收隨同大餉起解倘有撫拾不應於內動支之欸混列開除及藉稱公用率請詳銷除勒令歸欸外仍提混詳經承究處設遇交代未清令接任官先儘歸補起解倘濫行授受卽着出結官代賠浙江除漕倉支用外所有應解糧道提取京餉添平及書役飯食均須逐一查明批解

一截漕之年留漕項下不給幫丁費錢江蘇卽抵該年撥運留漕水脚之用如有餘剩解司撥解



別屬之不敷倘非本欵核與定例有溢均應移  
追歸欵浙省解司充公

一江蘇收米一石隨收漕費錢四十八文又脚錢  
四文以三分給軍脚錢為剝船及捐米上船之  
用其存解三分漕費向以一分給承為飯食紙  
張之用以二分留為修倉鋪墊等用內中亦有  
額奉提用之項如蘇松常鎮四府書辦漕飯  
食押運盤費協貼修造太湖等營沙哨船隻工

料不敷解府微員苦差半文費錢道轅軍夜吹  
手工食奏銷紙張院書司書辦漕紙張告示飯  
食七了海口渡江船夫工食太鎮合給崑新二  
邑抵荒田地造冊費銀亦准動支存縣費錢倘  
有解給未清須查明歸結乾隆三年蘇藩詳准

一江屬各屬抽捐漕費解司撥濟各營修造內河  
船工不敷協貼之用各州縣務於漕竣日即行  
批解如有交代同正項一體查辦乾隆二十四年蘇藩常

詳准

一蘇松常鎮太五府州屬漕贈五米運飯春辦等米費錢文歷係幫丁支領免其提解至行月漕贈卹米費腳錢文除照舊解給外餘存錢文悉令易銀解司充公如各屬因循扣留將不應於內動支之款混列開除勒令歸款設遇交代接任官不即查出并令代賠乾隆二十三年蘇藩吳嗣爵詳准通詳仍請照給批司查議乾隆二十三年四月蘇藩吳又查得江淮揚徐各屬贈米費錢向不給

下畱縣充公乾隆二十六年詳准於內提解府廳書辦漕飯食有案

一漕糧耗米上江官得三升內酌提四合下江官得二分內酌提三文易銀解道為平餘不敷各衙門養廉并部餉添平等用無論市價長落每石概行庫紋一兩二錢解道永遠再寧國旌德太平英山四縣民折官辦每耗米一石原折銀一兩取提四合仍應照一兩扣解寧旌太等縣每年於八月初詳司借領匣費赴蕪湖採買蕪

湖於十月中旬報價加三貫算詳請批示徵收  
次年夏秋隨地丁徵收解還司款

一 浙省漕費每石二十至四十三文不等糧道詳  
定每石提取一文二毫作吏書飯食又提七文  
為解餉添兌應查會否解給清楚庶免賠累

一 浙省春辦耗米每石提銀一錢六分又每石提  
漕費錢九文解道為通餉添平及道書紙飯食  
等用每有視非正款延挨未解應查明着落勿  
使弊混

一 折漕之年江蘇每石隨收費錢三十文內給縣  
書飯食二文外其餘二十八文易銀三分五釐  
內抵部飯鞘籬水脚坐平銀一分七釐一毫司  
道分提充公銀一分七釐九毫乾隆二十二年  
蘇藩司詳准  
如前任經收錢文解給未清應照案清歸

一 減存行月米石查明原奏從乾隆二十八年為  
始於起運全漕之後確核減存細數造冊送府

察轉俟青黃不接之際開明實在時價詳明候示糶易盈餘銀兩隨時起解藩庫聽候彙冊報

部 乾隆二十八  
年 江藩詳准

一八九月間修理漕倉前官墊用已資立有文案確實無浮有經手經承可詢者後官到任應於所收漕費錢內歸還但不得先於應支正雜錢糧內糾纏扣抵如後官不肯認還當明上司另行勒追并提漕承究比其有收漕未竣而卸事

者計其所得漕費已敷修倉應聽前官留用如有不足並令後官一體歸還至已經收兌之後則無論其修倉之費數用與否總不得再向後

官置備乾隆二  
年例

糯米糯穀不堪久貯未便收受如有纒和者尤宜慎重蓋恐其將來虫蛀延及通厥粳米也

營移米檔散給兵丁按月支領兵米每有將檔票存留數月請抵額完地漕糧米如遇盤收倉米

須將未放各數查明劃出倘有未放作為已放  
後來赴支無款可抵勢必受賠

清理常平鹽義等穀

一各省倉穀交代時若有前任官折價存庫者除  
實應出糶存價未買之銀准令接任官照例接  
收出具並無糶多報少糶少報多折銀抵交確  
實印結詳報外如有私行出糶以致倉糧虧缺  
折銀者接任官不許接受交代據實揭報該管  
各上司將前任官照例題叅畱於任所按數買  
補交倉不許顆粒短少接任官接受交代結報



不實者後經查出將新任離任各員一并題叅  
究追該管上司於州縣糶糶倉糧之際平日即  
行嚴如查察如有糶多報少糶少報多之處立  
即嚴叅究追倘各上司不能查出或徇情寬縱  
發覺時均照徇庇例議處分別追賠

一州縣因循怠玩不將倉廩粘補修理以致米穀  
霉爛者照溺職例革職並先動帑銀將霉爛米  
穀照數買補實貯仍勒限一年內照動帑買補

銀兩之數賠完限內不完依律治罪凡新舊交  
代俱將倉廩造入交盤項內若有木植燬爛傾  
圯滲漏者接任官即行揭報不准接受將前任  
官照例議處賠補如接任官徇情濫受即係接  
任官之責亦照例議處仍令賠修其霉爛虧空  
米穀即著接任官限年賠完限內不完亦照例  
治罪或有故為勒指及交代遲延借詞飾報者  
該督撫據實題叅



一交代倉穀每穀一石驗春米五斗者新任按數接受不准篩颺其以穀價交代者核明舊任原係奉文出糶糶價無虧遲買有案者准令新任詳明接受俟價平採買毋得勒指推諉外其係舊任私糶短價及雖係奉文出糶而於應買時因循不買價值存庫者新任即據實揭報舊任照例叅處仍畱任所勒限買還報部

一交代倉穀虧缺新任即時揭報仍一面詳請動

項照數買補一面在舊任名下勒限一年照追歸項限滿無完即移查該員家產按數變抵

一倉穀碾試之後如實有攙和潮濕等弊亦須監盤官三面驗明允服方許搨颺晒晾如有不公捏交指勒據實詳叅其盤量夫工鋪墊等費應令新任辦理嗣後一例轉交

乾隆二年例惟浙省鋪墊歸前任夫工歸新任間有不  
同者須照舊辦

一存貯倉穀驗係乾潔者毋庸碾試其穀色稍陳

應行碾試者或用石碾泥礮木礮俱各就本地民俗使用每於倉底面中各取一股和量一石碾米五斗即係好穀如礮碾有餘不便將穀申算不足折補乾隆一年例

一各省倉穀減價平糶其價值解司存庫或就近之道府庫至秋收務依原糶之數領價買補倘穀價昂貴不能於次年買補聲明報部展限若故意遲延不行買補以玩視倉儲題叅倘遇州

縣交代未及秋收買補之期所存價值無虧即令新任領買不得指勒推諉違者將該員及該管各官分別議處乾隆二年例

一碾米成粒無論粗細俱作全數半米粃米并餘剩穀頭碾淨槩以八折作算無論交盤新任不無自利之心得以借端多索即使按照交收而此項多收米石既未便於米穀奏銷案內另立粃米八折之條若令新官仍照原數支放則前



官之數外多墊適為後官侵蝕自利之資未為

允協應毋庸議

乾隆二年蘇撫邵題准

一倉穀止供賑糶二項民間食米原不盡係顆粒珠圓則五斗之內如有小米與市買之米相等者俱應准作正數至穀石碾米雖不能有准米五斗然連穀頭半米粃米等項却不止五斗即如穀一石碾米五斗一升內較正米四斗六升為正數半米粃米五升八折作為四升合定五

斗則交穀仍以一石交一石並未與原數外多加與一米二穀之定例亦不相悖大部因未悉碾試折算之故是以云不便於奏銷案內另立粃米八折之欸及前官之數外多墊適為後官侵蝕自利之資等語查折算之議雖未奉部允准但外省辦理總期無虧交代不致指延經手之員不致賠累不妨變價通融酌辦似毋庸拘泥部行

乾隆三年江蘇詳准 ○查舊有厚薄不等薄則

力輕而糶米少厚則力重而糶碎多新舊二任應憑監盤公平交接

稻穀與粟穀皆然但積貯係隨各處出產大小麥黃豆黑豆秫秫青粿均有貯倉者碾試時須驗明米穀並無霉變豆秫並無油蛀實係乾潔方可接收倘或蟲蛀霉變須估定成色如估係八成者每糧一石即作八斗折收惟查大小麥有磨麵之說每麥一石磨麵以百斤為率倘磨麵

八九十斤者應照八九成折收磨麵一說並非部行成例臨時參酌行之

一交代倉糧時俱按定限徹底清查如有胥役冒領侵吞捏稱民借照數分別賠完新任官不查出遽行出結即着新任官賠補還項倘屬倉穀過多不能依限即於交代案內聲明量加展限報部毋庸於例限之外復請展限

一動項採買米穀麥糧價值應以產地印結為準

其應需水陸脚費准銷數目著有定例如果正價取有產地印結水脚核與程途定例相符應即具詳核定俟通案報銷交代案內詳明立案如核有浮冒多給之數即行着落追賠不得混詳另結乾隆九年蘇如已赴採買計程不能於交代限內運到者核明請領銀數相符赴買地方是實並無捏飾假借情弊應聲明報部乾隆十六年蘇藩近來買補平糶倉穀價脚悉由藩司核詳准

定畫一報銷盈餘報解撥用

一平糶倉穀交代時已屆秋成即着經糶之員買

補乾隆二十一年安藩託詳准

一凡新舊交代如果米穀收存不慎官物遺失不全立即揭報題叅於舊任官名下着追如已經後官接受出結米穀霉變官物短少着落接任出結官按數賠補律

前官出借倉項如欠戶的實即當接受倘有官



役私借捏冒扣尅不實卽照例叅處

乾隆二年例 查

出借米穀雖有領狀其中難保必無冒混如已

屆徵期卽應啓徵如未屆期應着里保經承出

具無着甘賠結狀存卷庶幾畧有把握也

一撥協賑糶及災屬運賑運糶米穀所需水脚挑

費按照程站給發如與例相符自應造具冊結

備案詳司核定無浮交代案內應准立案若各

本案內並未造冊詳銷則所用銀兩或有浮冒

或與例不符無憑查核不准含混另結應代造

報銷各冊詳請核示

一遞送流民路費口糧核與定例相符詳明立案

統俟彙冊報銷倘有浮給卽詳明着追交清不

准另結

一將存貯倉穀出陳易新運廠平糶向無支給運

費報銷之例如有混冒動支者卽於交代案內

追清歸款

一買補平糶倉穀開糶之時原經報明每升糶錢若干每千易庫紋若干計共糶過米穀之數即將錢文易銀之數存貯買補如遇經糶之員卸事離任未屆秋收不及買補後任應查其糶價是否全數貯庫如果無虧於秋成着令經糶之員按數買補或離任之員實無的屬購辦恐買補遲悞即着新任遣屬協同採買倘買補不足原報額數不敷仍於經糶之員名下追賠交代

案內詳明立案如交代之時正屆秋收應勒令於交代限內買足結報不准另結

蘇藩愛  
詳准

以上四案係  
乾隆十二年

一因倉穀霉變私行糶賣匿不具詳雖無侵收入已情事但於交卸離任時既不買穀還倉又不催繳穀價移交後任即屬監守自盜

乾隆四十  
八年廣西

案

一監犯及逃解過境重犯口糧原係計口授食每

名按日給發每月每日均有實數可稽米在常

平倉支給錢於耗羨內動給如有重犯月糧編

處仍應先儘動交代時核明接受造冊詳送如

已通年彙冊報司彙題或未及一年適遇卸事

核明簿冊無浮無冒聲明詳報立案輕罪人犯

口糧應各任自行捐給

一安插軍流人犯初到配所赤貧無手藝營生詳

給一年口糧按照孤貧之例報銷如無浮冒

一採買續交米石以報明運到之日勒限五日盤

收統於交代正限滿日截算如限內必不能運

到者應就採買地方遠近所買穀數多寡隨時

酌量定限俟運交另報如有前官虛立文案捏

報採買者查出立即叅追究處乾隆二年例查採買

穀石如果屬實尙慮中途風火事故前官力不

能賠若於結後叅追更費周章宜詳明立案

一越境採買已奉永遠停止則現在所買倉穀非

本地卽鄰境計日可以運倉自應仍照定例於

交代案內結報其或爲數甚多領買牙戶一時

不能交清核明實有確據便當取具限狀代爲

催還仍於交代案內出結不得藉稱採買未到

率詳另結乾隆二十年蘇藩彭行

一存貯各案糶價買補倉穀預爲探明產地及鄰

境時價先行詳明俟批准再赴採買乾隆二十八年蘇撫

莊行

一平糶穀價於糶竣後一并解司如遇採買時詳

明督撫卽於本年新徵地丁內動支劃抵不准

動用上年錢糧仍令於五月奏銷前照例儘收

儘解乾隆五十一年例

米穀必逐厥量斛穀視潮濕癘綻米有霉爛虫

變應篩搗晒晾隨時酌行虧則移補任催不應

詳請司府督催惟督撫宜詳慎焉

盤清倉穀後如有開銷耗穀者應視其地循例

全案卷五 二

辦理不可混准扣算自貽賠累

未收米穀之先應預設三聯印票并日收印簿將每日收數登簿截填印票細加查對交於前任并移知監盤

一災屬出借口糧籽種或麥熟或秋成免息還倉其已還倉者有印冊可稽未完者有花戶民欠可查其是否確實一并查明交代不許另結

乾隆二十一年江藩詳九

### 清理社藉穀石

一社倉米石例係社長專司出入江省固奉行不力大半有名無實因非州縣正項倉儲並不經心查察竟為奸胥蠹棍之利數照楚粵等省造入州縣交盤之例地方官新舊交代將社米同正項倉穀一并造冊移交新任查盤如無虧那加結申報倘有弊混着落舊任清追

乾隆十七年蘇撫莊

卷二 清理社藉穀石 三



社穀交代於正限錢糧限滿之後再展限一個  
月盤明取具正副社長及該州縣印甘各結由  
府核轉不必又加府結如一任而有兩任交代

毋庸另行加展

乾隆三十八年  
護浙撫王咨准

一交代社穀冊結倉收用遵

旨議奏事註語案由府詳送核轉請咨

浙省  
案

社倉雖有社長經理毋庸逐版盤量但各社散  
處四鄉社長之賢愚不等移挪虧短捏借塘抵

實所不免每遇交代不過分委教職巡典等官

及僉丁胥赴鄉盤查奉委盤查之員及丁胥收

受社長規禮取具甘結加結轉移徒有委盤之

名毫無委盤之實至於虧空社穀前官任內已

經敗露查追有案者應將虧空社穀數目查明

詳請立案將來如該社長家產盡絕力不能完

應詳請於前官名下追賠

社倉穀石須查明有無存貯是否足額或有出

借亦須查其實在民欠會否詳明查實即令社長具結

一出借社穀每穀一石加息一斗以二升為社長副折耗紙筆之需以八升歸倉如遇歉歲免其加息止還本穀凡交代照此接收轉報

一江南藉田設遇災歉少收米麥易價不敷定數


不准撥補應令養廉內捐出

乾隆十八年蘇藩彭詳准

藉田籽種除完地漕外所餘之米江省每石給



佃田四斗仍存米麥五年報銷一次照時變價每年應支

先農壇祭品銀四兩有餘解司不敷找領甲年之糶價為乙年備辦祭品之用倘有分晰不清支給牽混必須查案庶幾無錯



清查各租

一各項官田官地及學田義田科舉賓興寺租并  
 官基水閣城壕如係官為召佃每年租息應責  
 令鄉地納租除完正賦外其餘着經管吏書斛  
 收上倉或折錢文涌庫中或給書院膏火掌教  
 脩儀或給起送科舉或畱充地方公用或解司  
 充餉江省有馬稻田獄租等類均應根查



金泉傳  
卷二

